

आकाशवाणी

1. प्रधानमंत्री नरेन्द्र मोदी होरें 11में मिशन अध्यक्ष सम्मेलन च भारत दी कुल संसारी भागीदारी गी मजबूत करने दा आह्वान कीता।
2. कोलकाता उच्च न्यायालय नै मतगणना केन्द्रें च सुपरवाइज़रें दे रुप च केन्द्र सरकार दे कर्मचारियें दी नियुक्ति गी चनौती देने आहली तृणमूल कांग्रेस आसेया दायर याचिका गी खारिज करी दिता।
3. केन्द्रीय गृहमंत्री अमित शाह अज्ज लेह दे चोग लम्सर जिले दे फोटांग स्थित जीवत्सल च तथागत बुद्ध हुंदे पवितर अवशेष प्रदर्शनी ते 2 जहार 5 सौ नत्तर बुद्ध पूर्णिमा समारोह दा उदघाटन करडन।
4. सरकार नै डीजल ते विमानन टरबाईन ईंधन ATF उप्पर निर्यात शुल्क च कटौती कीती ऐ- जेड़ी अज्ज थमां लागू होई जाहग।
5. UPI दुनिया दी सब्बनै शा बड्डी वास्तविक समय-भुगतान मंच दे रुप च उभरी ऐ- जेड़ा भारत दी डिजिटल अर्थबवस्था दा आधार ऐ।
6. महान बल्लेबाज विराट कोहली होर आई.पी.एल च रिकार्ड त्रोट प्रदर्शन करा'रदे न।

<><><><><><>

ते हूँन खबरा विस्तार कन्नै:-

<><><><><><>

प्रधानमंत्री होरें बपारी प्रोद्योगिकी ते रणनीतिक सांझेदारियें गी बढ़ावा देइयें भारत दी वैश्विक भागीदारी गी मजबूत करने ते प्रवासी भारतीय कन्नै निगगर-सरबंध बनाने दा आह्वान कीता ऐ। मोदी होरें विदेश मंत्रालय आसेया 28 अप्रैल शा 30 अप्रैल तगर नमीं दिल्ली च आयोजत 11मैं मिशन प्रमुख सम्मेलन गी सम्बोधित कीता। इस बरे दा सम्मेलन 2047 लेई भारती कूटनीतिक सुधार विषे उप्पर केन्द्रत हा। अपने सम्बोधन च प्रधानमंत्री होरें अपने विचार ते सुझाव्स सांझे कीते ते 2047 तगर विकसत भारत दे लक्ष्य गी हासल करने लेई भारत दी कूटनीतिक गतिविधियें उप्पर मार्गदर्शन प्रदान कीता। प्रधानमंत्री होरें गी भविष्य लेई तयार कूटनीति 3-टी यानि बपार प्रोद्योगिकी ते पर्यटन गी बढ़ावा देने सरबंधी विदेश मंत्री डाक्टर एस. जयशंकर होरें 29 अप्रैल गी उदघाटनी भाषण दिता। उ'नें गलाया जे उंदी गल्लबात नै पिच्छले दशक च विश्व कन्नै भारत दी भागीदारी दे महत्वपूर्ण बाददे गी मान्यता दिती ऐ। व्रंऊ-रोजा सम्मेलन दौरान मिशन प्रमुखें योग- विचार मंथन सत्र उभरदी प्रोद्योगिकी ते 3-टी बपार प्रोद्योगिकी ते पर्यटन उप्पर चर्चाएं च हिस्सा लैता।

<><><><><><>

High Court –Calcutta

कोकाता उच्च न्यायालय नै मतगणना केन्द्रें च सुपरवाज़रें दे रुप च केन्द्र सरकार दे कर्मचारियें दी नियुक्ती गी चनौती देने आहली तृणमूल कांग्रेस दी याचिका खारिज करी दिती ऐ। अपने फैसले च न्यायमूर्ति कृष्णा-राव होरें गलाया जे मतगणना सुपरवाज़र ते मतगणना सहायक दी नियुक्ति राज्य जां केन्द्र सरकार शा कराने दा अधिकार भारत चुनां आयोग दे दफ्तर गी हासल ऐ। न्यायालय गी केन्द्र सरकार जां केन्द्रीय

सार्वजनिक क्षेत्र च वोटें दी गिनतरी करने आहले Supervisor ते सहायक दी नियुक्ति च कोई अवैधता नई लभदी। फैसले च गलाया गेदा ऐ जे लोक प्रतिनिधित्व अधिनियम दी धारा 100 तैहत जेकर बाद च एह सिद्ध होई जंदा ऐ तां चुनांस आयोग दे फैसले करी अनुचित लाह मिलेया- जेहदे कारण तृणमूल कांग्रेस दे मेदवार दी हार- बी.जे.पी दे मेदवार शा होई- तां नतीजे गी कानूनी तौरा उप्पर चुनौती दिती जाई सकोग।

<><><><><><>

Budh Purnima

अज्ज बुद्ध पूर्णिमा मनाई जा करदी ऐ। अज्जै दे ध्याड़े भगवान बुद्ध हुंदा जन्म- ज्ञान दी प्राप्ति ते महापरिनिर्वाण होआ हा। उनें'गी बिहार दे बोधगया च महोबोधि बूहटे हेठ ज्ञान दी प्राप्ति होई ही। बुद्ध पूर्णिमा समूलची दुनिया च मनाई जंदी ऐ। इसी टकोहदे तौरा पर भारत-नेपाल- भूटान-बर्मा- थाईलैंड- तिब्बत-कोरिया- LAOS वियतनाम- मंगोलिया- कम्बोडिया-सिंगापुर-इंडोनेशिया ते श्रीलंका च मुख्य तौरा पर मनाया जंदा ऐ।

<><><><><><>

Prez- Budh Purnima

राष्ट्रपति द्रौपदी मुरमू होरें बुद्ध पूर्णिमा पर देशवासियें गी शुभकामनां दितियां। अपने सनेह च राष्ट्रपति होरें आखेआ जे ए पवितर ध्याड़ा भगवान बुद्ध हुंदे जन्म- ज्ञान प्राप्ति ते महापरिनिर्वाण दा ऐतिहासिक प्रतीक ऐ। श्रीमती मुरमू होरें गलाया जे भगवान बुद्ध दे करुणा- अमन-रमानदारी- अहिंसा ते ज्ञान दे शाश्वत सनेह मानवता दी रहनुमाई करदे रौहगंन। उनें आखेआ मौजूदा समें च नेकां चुनौतियें दा सामना करा

रदी दुनियां च भगवान बुद्ध दियां शिक्षां सब्भनें गी अमन-शांति- सहनशीलता ते आपसी भाईचारे दी बतै पर टुरने लेई प्रेरित करदियां न। उ'नें लोकं गी उन्दे आदर्श गी अपनाने ते इक्क शांतिपूर्ण ते न्यायपूर्ण समाज दे निर्माण च योगदान देने दा संकल्प लैने ताई अपील कीती।

<><><><><><>

PM-Greeting

प्रधानमंत्री नरेन्द्र मोदी ते केन्द्री गृहमंत्री अमित शाह होरें अज्ज बुद्ध पूर्णिमा दे पवित्र मौके पर लोकें गी मुबारकबाद दिती ऐ। इक सोशल मीडिया पोस्ट च प्रधानमंत्री होरें आखेआ जे भगवान बुद्ध हुंदे आदर्श पर खरा उतरने लेई सरकार बचनेबझी दी ऐ। उ'नें मेद जताई जे भगवान बुद्ध हुंदे विचार समाज च खुशहाली ते इक्क-जुटता दी भावना गी होर बी निग्गर करगंन।

<><><><><><>

Amit Shah –Ladekh

केन्द्री गृहमंत्री अमित शाह होर अज्ज लेह दे चोग लम्सर जिले दे फोटांग च तथागत बुद्ध हुंदे पवित्तर अवशेष नमैश ते बुद्ध पूर्णिमा समारोह दा उदघाटन करगंन। श्री शाह लेह च केन्द्री बौद्ध अध्ययन संस्थान थमां करगिल च 10 जहार लीटर फी ध्याड़े दी समर्था आहलें डेयरी प्लांट दा नीह पत्थर रखगंन। गृहमंत्री होर लद्दाख दे दौऊ दिनें दे दौरे लेई कल लेह पुज्जे हे। भगवान बुद्ध हुंदे पवित्तर अवशेष दी पैहली अंतराष्ट्री नमैश अज्जै थमां रम्भ होइयै- 14 मई तगर चलोग। एदे च राजदूतें- मुखमंत्रियें- कैबिनेट मंत्रियें- विद्वानें ते भगतें दे शामिल होने दी मेद कीती जा'रदी ऐ। प्रदर्शनी

दौरान शांति ते आपसी भाईचारे गी बढ़ावा देने आहले नेके कार्यक्रमें दा सरिस्ता कीता जाहग। इंदे च बक्ख-बक्ख धर्मे बश्कार गल्ल-कत्थ- हिमालयी बौद्ध धर्म पर संगोष्ठी- योग ते ध्यान प्रार्थना इजलास- थांगका चित्रकला- लकड़ी दी नक्काशी-पांडुलिपियें दा बचास ते बक्ख-बक्ख राज्यें दे सांस्कृतिक कार्यक्रम शामिल न। तोंआई केन्द्री मंत्री अमित शाह होरें अज्ज देसै दे बसनीके गी बुद्ध पूर्णिमा दियां शुभकामनां दितियां न। इक्क सोशल मीडिया पोस्ट च उ'नें गलाया जे भगवान बुद्ध असें'गी सच्चाई अहिंसा ते दया दी बतें पर टुरदे होई मानवता दी भलाई आस्तै लगातार कोश्टां करने दी प्रेरणा दिंदे न।



Govt. Export Duty

सरकार नै डीजल ते विमानन टरबाइन ईंधन- ATF उप्पर निर्यात शुल्क घट्ट करी दिता ऐ। इस सरबंध च केन्द्र नै इक अधिसूचना जारी कीती ऐ- जेड़ी अज्ज संज्ञा लागू होई गई ऐ। एहदे मुजब डीजल उप्पर निर्यात शुल्क 23 रुपये फी लीटर ते ATF उप्पर 33 रुपये फी लीटर तय कीता गेआ ऐ। पेट्रोल उप्पर कोई निर्यात शुल्क नैई ऐ। मंत्रालय नै गलाया ऐ जे पेट्रोल-डीजल ते ATF दे निर्यात उप्पर विशेष अतिरिक्त ते उत्पाद शुल्क ते सिड़क ते अवसंरचना उपकर जनेह निर्यात शुल्क 27 मार्च 2026 गी लागू कीते गे हे। मंत्रालय नै गलाया ऐ जे घरेलू खपत लेई मंजूर पेट्रोल ते डीज़ल उप्पर मौजूदा उत्पाद शुल्क दरें च कोई बदलाव नैई कीता जाहग।



एकीकृत भुगतान प्रणाली UPI दुनिया दे सब्भनें शा बड़्डे वास्तविक समय भुगतान मंच दे रुप च उभरेआ ऐ। एह भारत दी डिजिटल अर्थबवस्था दा आधार ऐ। 11 अप्रैल 2026 गी शुरु कीता गेआ UPI अज्ज भारत दी डिजिटल अर्थबवस्था दा आधार ऐ। एह वित्तीय समावेशन गी बढ़ावा दिंदा ऐ ते बपार गी सौकखा बनांदा ऐ। UPI नै पैहले महीने च छड़े 373 लेनदेन किते हे। वित्त बरे 2025-26 च एह बधीयै तकरीबन 24 ज्हार 162 करोड़ होई गेआ। UPI थमां हून हर दिन तकरीबन 66 करोड़ लैन-देन कीते जा'रदे न। एहदा दैनिक मूल्य लगभग 86 ज्हार करोड़ रुपये ऐ। अगस्त 2025 च पैहली बारी मासिक लेन-देन 2 ज्हार करोड़ रुपये शा मती होई गया हा। UPI गी अंतराष्ट्री मुद्रा कोष दे लैन-देन दी मात्रा दे आधार उप्पर दुनिया दी सब्भनें शा बड़्डी वास्तविक समय दी भुगतान प्रणाली दे रुपै च मान्यता दिती ऐ।

<><><><><><>

Online –Gaming

सरकार नै ऑनलाईन गेमिंग दा प्रचार ते विनियम सरबंधी नियम 2026 अधिसूचित करी दिता ऐ। एह नियम अज्ज थमां लागू होई जाहग। एह भारत च तेजी कन्नै बढ़दे ऑनलाईन गेमिंग क्षेत्र गी विनियमित करने दी दिशा च महत्वपूर्ण गेंs ऐ। एहदा उद्देश्य गेमिंग उद्योग च नवाचार ते विकास गी बढ़ावा दिंदे होई- उपयोगकर्ता दी सुरक्षा यकीनी बनाना ऐ। नमें ढांचे मूजब ऑनलाईन पैसे आहले खेड़ें उप्पर रोक लाई गेई ऐ। नियमें दी लोआंघना करने आहलें खिलाफ जुर्माने सनें सख्त कानूनी कारवाई कीती जाहग।

<><><><><><>

Yatra

इस बरे कैलाश मानसरोवर यात्रा जून शा अगस्त तगर आयोजित कीती जाहग। 10 जत्थे- उत्तराखंड शा होड़यै लिपुलेख दरै गी पार करडन। हर इक जत्थे च 50 यात्री होडन।

<><><><><><>

Virat Kohli

महान बल्लेबाज विराट-कोहली IPL च रिकार्ड त्रोट प्रदर्शन करा'रदे न। रॉयलस चैलैन्जर्स बेंगलूरु दे इस दिग्गज खड्गारी नै भारत च 8 जहार जां ओहदे शा मते IPL रन्ज बनाने आहले पैहले खड्गारी बनियै इतिहास रची दिता ऐ। उ'नें एह उपलब्धी कल अहमदाबाद च गुजरात-टाइटन्स खिलाफ मैच दौरान हासल कीती। कोहली जेड़े 231 पारियें च 7 जहार 988 रन्ज बनाइयै मैदान च उतरे हे। उनें 13 गेंदे च 28 रन्जें दी एह तूफानी पारी खेड्दी।

<><><><><><>

IPL

आई.पी.एल क्रिकेट च कल रातीं अहमदाबाद च गुजरात टाइटन्स नै रॉयल्स चैलेन्जर्स बेंगलूरु गी 4 विकटें कन्नै हराई दिता। रॉयल्स चैलेन्जर्स बेंगलूरु नै पैहले बल्लेबाजी करदे होई 155 रन्ज बनाए। लक्ष्य दा पिच्छा कदे होई गुजरात टाइटन्स नै 25 गेंदा शेष रौहन्दे गै मैच जिती लेया। अज्ज संजा साड्डे 7 बजे जयपुर च राजस्थान रॉयल्स दा मुकाबला दिल्ली कैपिटल्स कन्नै होग।